



Pwyllgor Deddfwriaeth Rhif.4
Legislation Committee No.4

Dyddiad: 28 Medi 2010

Annwyl Syr / Fadam

Ymgynghoriad ar y *Mesur Arfaethedig ynghylch Diogelwch ar Gludiant i Ddysgwyr (Cymru)*

Fel rhan o'i drafodion Cyfnod 1, mae Pwyllgor Deddfwriaeth Rhif 4 Cynulliad Cenedlaethol Cymru yn galw am dystiolaeth mewn perthynas ag egwyddorion cyffredinol y *Mesur Arfaethedig ynghylch Diogelwch ar Gludiant i Ddysgwyr (Cymru)*.

Beth yw Mesur?

Darn o ddeddfwriaeth a wneir gan y Cynulliad yw Mesur. Mae iddo effaith debyg i Ddeddf Seneddol. Gall y Cynulliad basio mesurau ar unrhyw 'fater' a restrir yn [Atodlen 5](#) i Ddeddf Llywodraeth Cymru 2006. Mae'r Mesur Arfaethedig ynghylch Diogelwch ar Gludiant i Ddysgwyr (Cymru) yn ymwneud â materion sy'n gysylltiedig ag addysg a hyfforddiant.

Tra bo Mesur yn mynd drwy'r Cynulliad, fe'i gelwir yn 'Fesur arfaethedig'.

Mae pedwar cyfnod yn y broses ar gyfer ystyried Mesur arfaethedig. Yn ystod Cyfnod 1, bydd pwyllgor yn ystyried egwyddorion cyffredinol y Mesur arfaethedig (gan gymryd dystiolaeth ysgrifenedig a thystiolaeth lafar) cyn i'r Cynulliad gytuno ar yr egwyddorion cyffredinol hynny.

Bae Caerdydd
Caerdydd
CF99 1NA
Cardiff Bay
Cardiff
CF99 1NA

Ffôn / Tel: 029 2089 8048
E-bost / Email: sarah.sargent@wales.gov.uk

Beth mae'r Mesur arfaethedig yn ceisio'i gyflawni?

Mae'r Memorandwm Esboniadol sy'n gysylltiedig â'r Mesur arfaethedig yn datgan:

“Prif nod y Mesur arfaethedig yw mynd i'r afael ag amcanion Llywodraeth Cynulliad Cymru o wella delwedd ac ansawdd cludiant penodedig i ddysgwyr a gweithredu i sicrhau bod y safonau diogelwch yn ddigon uchel i ennyn hyder y cyhoedd a'r rhieni mewn cludiant penodedig i ddysgwyr. Bydd y Mesur arfaethedig hefyd yn cyfrannu at yr amcan ategol o annog defnyddio ffyrdd eraill o fynd i'r ysgol ar wahân i geir.”

Beth yw gwaith y Pwyllgor?

Gwaith Pwyllgor Deddfwriaeth Rhif 4 yw ystyried egwyddorion cyffredinol y Mesur arfaethedig a chyflwyno adroddiad arnynt. Wrth wneud hyn, mae'r Pwyllgor wedi cytuno i weithio o fewn y fframwaith a ganlyn:

Ystyried:

- i) yr angen am Fesur arfaethedig i gyflwyno'r amcanion penodol o wella delwedd ac ansawdd cludiant penodedig i ddysgwyr”;
- ii) a yw'r Mesur arfaethedig yn cyflawni ei amcanion datganedig;
- iii) y darpariaethau allweddol a nodir yn y Mesur arfaethedig ac a ydynt yn addas i gyflawni ei amcanion;
- iv) rhwystrau posibl i weithredu'r darpariaethau allweddol ac a yw'r Mesur arfaethedig yn eu hystyried;
- v) sylwadau rhanddeiliaid y bydd yn rhaid iddynt weithio o fewn y trefniadau newydd.

Sut y gallwch chi helpu - y cwestiynau ymgynghori

Ceir manylion y Mesur arfaethedig a'r Memorandwm Esboniadol sy'n cydfynd ag ef ar wefan y Cynulliad Cenedlaethol yn:

http://www.cynulliadcymru.org/bus-home/bus-legislation/bus-leg-measures/bus_legislation_measure_learnertransport.htm

Hoffai'r Pwyllgor eich gwahodd i gyflwyno tystiolaeth ysgrifenedig i'w gynorthwyo wrth iddo graffu ar y Mesur arfaethedig. Yn arbennig, byddai'n croesawu eich ymateb i'r cwestiynau a restrir yn **Atodiad 1**.

Os ydych am gyflwyno tystiolaeth, anfonwch gopi electronig o'ch cyflwyniad i legislationoffice@wales.gov.uk a rhowch *Ymgynghoriad - y Mesur Arfaethedig ynghylch Diogelwch ar Gludiant i Ddysgwyr (Cymru)*.

Fel arall, gallwch ysgrifennu at:

Sarah Sargent, Dirprwy Clerc y Pwyllgor, Y Swyddfa Ddeddfwriaeth, Cynulliad Cenedlaethol Cymru, Bae Caerdydd CF99 1NA.

Dylai unrhyw dystiolaeth gyrraedd erbyn 5 Tachwedd 2010. Efallai na fydd yn bosibl ystyried unrhyw ymateb a ddaw i law ar ôl y dyddiad hwn.

Gellir dod o hyd i ragor o wybodaeth am y **broses ddeddfwriaethol** yn:

<http://www.cynulliadcymru.org/bus-home/bus-legislation/bus-legislation-guidance/bus-legislation-guidance-measures.htm>

Wrth baratoi eich dystiolaeth, dylech ystyried y pwyntiau a ganlyn:

- Dylai eich ymateb fynd i'r afael â'r materion sydd gerbron y Pwyllgor. Defnyddiwch y pennawd uchod fel cyfeirnod i'ch ymateb.
- Bydd y Cynulliad Cenedlaethol fel arfer yn sicrhau bod ymatebion i ymgynghoriadau cyhoeddus ar gael i'r cyhoedd graffu arnynt ac efallai y bydd Aelodau'r Cynulliad yn eu gweld a'u trafod yn ystod cyfarfodydd Pwyllgor hefyd. **Os nad ydych am i ni gyhoeddi eich ymateb neu'ch enw, mae'n bwysig eich bod yn nodi hyn yn glir wrth gyflwyno eich dystiolaeth.**
- Nodwch a ydych yn ymateb ar ran sefydliad, neu fel unigolyn. Os ydych yn ymateb ar ran sefydliad, rhowch ddisgrifiad byr o rôl eich sefydliad.

Mae'r Pwyllgor yn croesawu cyfraniadau yn Gymraeg ac yn Saesneg a byddwn yn ystyried ymatebion i'r ymgynghoriad ysgrifenedig yn ystod tymor yr hydref.

Os oes gennych unrhyw gwestiynau, cysylltwch â Sarah Beasley, Clerc, ar 029 2089 8032 neu Sarah Sargent, y Dirprwy Clerc, ar 029 2089 8408.

Yn gywir



Jenny Randerson AC
Cadeirydd y Pwyllgor

Atodiad 1

Mesur Arfaethedig ynghylch Diogelwch ar Gludiant i Ddysgwyr (Cymru)

Y Cwestiynau Ymgynghori

1. A oes angen Mesur arfaethedig i gyflawni'r amcanion penodol o:
 - “wella delwedd ac ansawdd cludiant penodedig i ddysgwyr”, a
 - “gweithredu i sicrhau bod y safonau diogelwch yn ddigon uchel i ennyn hyder y cyhoedd a'r rhieni mewn cludiant penodedig i ddysgwyr”?
2. Sut y bydd y Mesur arfaethedig yn newid yr hyn y mae sefydliadau yn ei wneud ar hyn o bryd a beth fydd effaith newidiadau o'r fath?
3. A yw adrannau'r Mesur arfaethedig yn briodol er mwyn cyflawni'r amcanion datganedig?
Wrth ystyried y cwestiwn hwn, mae'n bosibl y byddwch am ystyried pob un o adrannau'r Mesur arfaethedig a'r atodlen iddo.
4. Beth yw'r rhwystrau posibl o ran gweithredu'r darpariaethau polisi a nodir yn y Mesur arfaethedig (os oes rhai) ac a yw'r Mesur arfaethedig yn eu hystyried?
5. Beth yw goblygiadau ariannol y Mesur arfaethedig i sefydliadau, os oes rhai o gwbl? Wrth ateb y cwestiwn hwn, efallai yr hoffech ystyried a ydych yn cytuno ag Adran 2 y Memorandwm Esboniadol (yr Aseiad Effaith Rheoleiddiol) sy'n amcangyfrif costau a buddion gweithredu'r Mesur arfaethedig.
6. A oes gennych unrhyw sylwadau eraill am adrannau penodol o'r Mesur arfaethedig?